

Oportunidades pro sas impresas mannas e minores

SU CRÈDITU A CONSUMU

Su crèditu a consumu est cussu chi daent a una pessone fisica (consumadore), chi l'impreat pro comporare benes e servìtzios (crèditu finalizadu) o pro bisonzos personales (pro assempru: prèstidu personale, tzedimentu de su chimb'unu de s'istipèndiu)

Su crèditu a consumu podet èssere una dilata de su pagamentu de su preju de sos benes o servìtzios comporados, o un'impresta o un'atera zenia de azudu finantziàriu.

A bortas b'at dificultades pro otènnere prestidos finas de pagu contu. Cun sa crisi econòmica e cun sas dificultades de sas familias, sas sotziedades finantziarias daent prus cara cando depent prestare dinare.

Custu problema noghet mescamente a sas famílias de sos imprèsarios agrìculos, prus che àteru de cussos minores o de sos piscadores chi su bonu de sas bortas non resessint a otènnere unu prestidu ca non resessint a dimustrare su rèditu.

Su *Punto Credito* – in Pratzza Mariano, 53 in Aristanis – tel. 0783.302980, cheret azudare massajos e pastores a superare custu mamentu de dificultade, boghende a campu totu sos mèdios chi podent bisonzare, e traballare cun profetu pro chircare de acumentare su cliente. Cale si siat cliente chi si presentat a s'ufitziu at a agatare sa professionalidade netzessària e l'ant a azudare finas a cando no at a retzire s'impresta.

A prus de sos Prèstidos personales *Punto Credito* at a pigare in cunsideru sas rechestas de Tzedimentu de su chimb'unu, de Leasing o de Mutuo ipotecàriu.

Pro norma, su crèditu a consumu durat dae 12 a 84 meses e pro l'otènnere non bi cheret una garantzia reale (non si lassat nudda in prenda pro su bene comporadu) o personale (non bi cheret fiantza). Su cuntratu podet èssere concruidu presentande unos cantos documentos.

Su dinare est deretu a disponimentu de su consumatore cun bonificu bancariu o cun assegno. Sa rata podet èssere pagada siat cun bolletinu postale sia cun addèbitu in su contu.